

Årsmelding - Fotballgruppa 2023



Styrerapport

Styret har hatt 12 fysiske og teams møter, samt handsama 86 saker. I tillegg kjem arbeidsmøter mot cup, turneringar og aktivitetsmøter mot alle lag, trenarmøte, avklaring/evalueringsmøte.

Årsmeldinga for 2023 tar utgangspunkt i årsmeldingane som er utarbeida av trenarane, fairplayansvarleg m.m.

Styret 2023

- Leiar Silje Knapstad
- Nestleiar Ole Jacob Endestad
- Styremedlem Marius Kjellevold
- Styremedlem Erling Austreim
- Styremedlem Kari Mydland
- Styremedlem Torbjørn Knapstad
- Styremedlem Odd Magne Øren

Aktivitet

Fotballgruppa har hatt god aktivitet i året som er gått med lag i nesten alle aldersklassar. Vi har i år hatt totalt 9 lag, der vi har hatt rundt 90 aktive spelarar mellom 5 og 35 år.

For at vi skal kunne klare å ha lag i alle klassar må ein søke om dispensasjon, hospitere og samarbeide med andre lag i nærleiken. I nokre årsklassar er vi sårbare med å ha nok spelarar med tanke på lagspåmelding. Det blir jobba bra i aldersbestemte klassar, både på jentesida og guttesida.

A-lag – 5.div – 11ar

Gjennom sesongen har heile 25 spelarar vert på bana for Eikefjord i 5-div.

Fleire kampar med gode prestasjonar, men som ikkje ga poeng. Til dømes heimekampen mot Årdal 2 leier vi 1-0 til det er spelt 93 min, men Årdal klarer å snu kampen med to scoringar og vinn kampen i det 97. min.

Lagets beste enkeltkamp vart spelt borte mot Florø 2 tek vi tidlig i første omgang leiinga 2-0 og har veldig god kontroll, får ein mann utvist i det 35' min, men klarar til tross å «ri av stormen» heilt til slutt signalet går.

Jamt over har prestasjonane variert mykje i 2023. For liten kontinuitet i kamptropp mellom kampar, og varierande oppmøte på trening har gjort det utfordrande å få ut laget sitt potensial ofte nok.

Vi beholdt plassen i 5-div. Med ein god treningsvinter i 2024 vil laget ta steg og gjere det betre i kommande sesong.

Debutantar: Håvard Austreim, Lukas Furelid og Steffen Steindal Sandvik vart i år del av A-laget etter å ha vore G15-17 spelarar på vårsesongen. Veldig kjekt å få opp unge spelarar til gruppa.





Gutt 15/17 – 11ar – Samarbeidslag – Kun vårsesongen

Trenar: Erling Austreim

Spelalar frå Eikefjord: Håvard, Jacob, Lukas, Magnus, Steffen, Vetle, William.

Det vart inngått samarbeid med Tambarskjelvar for G15 hausten 2022. Dette samarbeidet vart vidareført i 2023, og det vart meldt på lag i G15/17 11-er serie (2. divisjon). Etter vårsesongen var det for få som ønska å vere med vidare, og vi måtte dessverre trekke laget frå haustsesongen. Gutane frå Eikefjord har fått moglegheit til å vere med seniorlaget til Eikefjord frå hausten 2023, og det er fleire som har tatt utfordringa og har vore ein del av A-laget til Eikefjord i 5. divisjonen hausten 2023.



Jente 15/17 – 9ar

Trenarar: Odd Magne Øren og Julie Humlestøl-Titlestad.

Spelarar: Angelica, Emilie, Hedda, Hedda- Kristin, Nathalie og Sara, Linnea Marie, Frida, Helene, Mathilde, Ingeborg, Tuva og Tale.

Pga av lite jente på haustsesongen har dei hatt med seg ein del J 13/14 spelarar på seriekampar. Sesongen starta med J15 på futsal turnering, J15 og 16 på KM futsal der J15 kom på ein imponerande 3 plass.

Sommarens store høgdepunkt var Norway Cup. Jentene og foreldre arrangerte tidenes basar i fleirbruksallen. Med mykje folk og mykje loddsal fekk dei inn bra med pengar til å reise med. Det vart ein vellykka tur både sportsleg og sosialt. Jentene gjekk vidare til A-sluttspel og tapte knepent 1-0 mot Odd i 16 delsfinalen.



Jente 13/14 – 9/7ar

Trenar: Frode Hauge

Spelarar: Alice, Aveline, Emilie, Fride, Herborg, Liv, Malene, Rikke, Sofie

Ein god gjeng som samarbeider godt. Godt oppmøte ved kamp og trening. Dette er andre året med 9ar, dei har fått mykje speletid. Spelte på vårsesongen 9ar, gjekk over til 7ar på haustsesongen då etter kvart blir tunge kampar når ein ikkje har innbytarar.

Nest siste plass i tabellen for vårsesongen og 2.plass i tabellen på haustsesongen. Deltatt i Seljecup i Juni, der dei vant sin klasse. Deltatt på futsal turneringar som ikkje har kollidert med handballkampar/turneringar.

Sonetropp: Herborg, Rikke, Fride, Malene og Liv (våren 2023)

Sonelaguttak: Herborg og Rikke

Kretslag: Rikke

Team Vestland: Rikke



Gutt 11 – 7 ar

Trenar: Steffen Svarthumle

Spelarar: Arian, Aron, Emil Alexander, Fredrik, Lucas, Gard, Vetle, Wilhelm

Laget deltok i si siste 7ar serie i 2023, dei hadde ein god start på sesongen, men fekk ein hard start etter sommarferien med et solid tap mot Førde. Etter dette tapet vakna spelarane og formen likna meir på den som var før sommarferien.

Dei har deltatt på Kiwi Bama cup i Sogndal, Veslefrikk turnering i Florø og to futsalturneringar i Eikefjord. Det kjekkaste for spelarane var nok å spele siste kampen i cupen i Sogndal ute på Fosshaugane Campus, med flombelysning.



Gutt 10 – 7ar serie

Trenere: Øystein Endestad og Marius Kjellevold

Spelarar: Isak, Fredrik, Arian, Julian, Adrian, Magnus, Aron, Elias, Renat, Benjamin og Ola.

Laget deltok på Futsal turnering i Fleirbruksallen i Eikefjord samt Bama cup I Sogndal, noko som må seiast å være eit høgdepunkt for gutane med avslutningskamp på Fosshaugane Campus mot Førde.





Jente 10 - 7ar

Trenarar: Rune Rajendram og Ole Jacob Endestad

Spelarar: Adelèn, Laura, Kikki, Nora, Ida, Hedda, Synne, Maren, Sanna og Anna

Nytt fotballår bringer med seg nye oppgaver og nye utfordringer. I 2023 var det overgangen til sjuerfotball, større bane og utvidet spilletid som stod på programmet. Disse jentene vokser imidlertid i takt oppgavene, og har tatt utfordringene på strak arm. Deltatt på Veslefrikk turnering, futsalturneringar.



Gutt/jente 9 – 5ar

Trenarar: Kari Mydland/Tor Anders Grønsberg

Spelarar: Viljar, Roar, Hille, Franciszek, Johannes, Jorunn, Kristina, Adelèn og Ylva.

Har vert med på turneringer: Elias, Benjamin og Julian.

Hatt fokus på sentring, ballkontroll, fairplay, leik med ball, skudd på mål og kamptrening. Variert oppmøte på trening, men vi har hatt det gøy og det er det viktigaste. Deltatt på 3 kongleriket turneringar, Veslefrikk turnering og Fjord1 Cup.



Gutt/jente 6-8 – 3ar – Kongleriket/turnering

Trenarar: Marius Kjellevold og Erling Austreim

Spelarar: Adele, Albert, Amalie, Eirik, Iver, Jan, Kazimierz, Kristian Olai, Kristian, Leo, Marcus, Olai, Othilie, Per, Vilje.

Torsdag 30. april gjekk «startskotet» med oppstart for denne gruppa. Heile 15 stykk har vi i gruppa frå Eikefjord, Stavang og Naustdal! Fleire enn dei som er lista opp har òg vert innom og prøvd seg på fotball.

Gjennom året har laget hatt ei fotballøkt i veka. Treningane for dei yngste handlar om leik med ball, mest spel og fotballglede.

Gruppa deltok på kongleriket turneringar i Naustdal, Florø, Førde og Jølster (Skeihallen). Spelarane har vist ein framifrå innsats på alle desse turneringane og hatt det veldig kjekt i sitt første år med fotball. Vi ser fram til nytt år med meir fotballglede i 2024!



Sportsleg

Styret valte i 2023 og takke av Torbjørn Løkkebø som a-lagstrenar. Marius Kjellvold tok ansvaret som a-lagstrenar ut 2023 sesongen og det blei jobba med å få på plass ein ny trenar. A-laget behaldt plassen i 5.divisjon.

I aldersbestemt blir det jobba godt og laga har hatt ein god utvikling. Både jente og guttesida i år har hatt god utvikling.

Vi har hatt fleire jenter med på sonetropp/sonelag, Ei jente med på kretslaget og på Team Vestland.

Viktige fokusområde framover er at det ikkje berre er enkeltpelarar som kjem fram, men og kollektivt som lag.

Anlegg

Fantastisk med fleir brukshall der laga har søkt om plass i hallen. Det er litt kamp om tidene. Men 1 trening får alle laga trenere innandørs, frå senior lag til barnefotball. Er positivt med hall og moglegheita rundt det.

På Eikefjord idrettspark er det framleis litt problem med forurensing i dekket. Unisport og kommunen har avtale om ny rens av kunstgrasdekke våren 2024.

Lys er ikkje på plass endå, men håpet er å ha dette på plass våren 2024.

Det blir arbeida med ny kiosk for våren 2024.

Takk til hovudlaget som har vert sterkt delaktig i alt dette.



Arrangement

Kiosken har vore open 1-3 dagar i veka gjennom sesongen. Kampvertar og kioskvakter sørger for at kampane blir arrangert i tråd med NFFsine retningslinjer. Frukt og grønt blir servert til laga i/ etter kamp. Blir søkt om refusjon til Bama ved innkjøp for 60% refusjon som er ei god ordning.

Dommarmangelen i fylket gjer det ikkje lett å arrangere turneringar. Til dømes under Eikefjord Cup måtte vi søndagen leige inn dommartrio frå Bergensregionen.

Eikefjord Cup

Årets sikraste vårteikn har vert slagordet, og endeleg kunne vi i 2023 arrangere cupen igjen. For stor glede for naboklubbar og a-laget. Eikefjord stadion viste seg frå si beste side i vårsola. Lukta av nysteikt vaffel, pommes frites, nytrakte kaffi, smil og fotballglede frå lag og tilskodarar.

Førde 3 vann cupen i 2023. Dei slo Førde 2 i 7-4 i finalen. Eikefjord blei nummer 3 etter at dei slo rivalen Bremanger 2-0 i bronsefinalen. Florø 3 vann kampen om 5.plassen mot Tempo.



Futsal turneringar

I 2023 var vi så heldige å få arrangere 3 futsal-turneringar. Ei i januar, KM i februar og ei turnering i november. Kjekt å sjå at vi klarer å få til store futsalturneringar i fleirbrukshallen, med gode tilbakemeldingar frå spelarar, foreldre og andre lag.

Kongleriketurnering

Ikkje arrangert i 2023, då vi ikkje blei tildelt frå krets.

Tine Fotballskule

Ikkje arrangert i 2023 pga. utfordringar med kapasitet og for få spelarar i rette årsklasse.

Fair Play

Fairplayansvarleg fekk i 2023 vere med dei andre gruppene å opprette varslingskanalen. Informasjon om varslingskanalen har fairplayansvarleg hengt opp i garderobar, klubbhus etc. Det er også eit ønske frå fotballgruppa at det blir laga eit felles samtykkeskjema for Eikefjord IL. Vi har mange av dei same barna i undergruppene og det er betre at alt er samla på ein plass.

Takk til alle som har bidratt til glede, fysisk aktivitet og fellesskap i år!

Både på og utanfor bana viser spelarar, trenrarar, dommarar, foreldre og andre med rolle i fotballen god sportsånd. Saman lærer ein fairplay og minner kvarandre på kva ein forventar av kvarandre, ein viser kvarandre respekt ved måten ein kommuniserer på sjølv om ein kan vere ueinige. Vi viser kvarandre respekt ved å vise at alle er like verdifulle. Vi hjelper kvarandre til å bli enda betre med dette. I Fairplay-kontrakta og i samtalen under Fairplay-møtet underteiknar spelarar og trenrarar på fleire punkt som gjer at forventningane er tydlege og retningsgjevande for kvardagen.

Årets Fair Play-spelar på laga i ungdomsfotballen vart kåra. Spelarane sjølv stemte fram den dei meinte fortente prisen.

Følgande spelarar fekk prisen for sesongen 2023:

J15/17: Tuva Fjell Osland

J13/14: Malene Steindal Sandvik

Fairplayprisen for frivilligheit og engasjement: Steinar Svardal for sin innsats som foreldre som stiller opp uansett kva og jobben han gjorde for at J 15/17 kunne få drøymen oppfylt med Norway CUP.

- *Fair Play-ansvarleg Kari Mydland*

Spelarutvikling

På jentesida har imponert i 2023 med uttak til Sonetropp, Sonelag, Kretslag og Team Sogn og Fjordane.

Sonetropp: Herborg, Rikke, Fride, Malene og Liv (våren 2023)

Sonelaguttak: Herborg og Rikke

Kretslag: Rikke

Team Vestland: Rikke

Vi gratulerer til jentene og ynskjer de masse lykke til vidare.

Dommarar

Vi har ingen som dømmer på høgare nivå eller som dømmer i kretsen sin regi, dette er ei utfording for klubben og er nokke vi må jobbe med i åra framover. Klubbdommarar og rekrutteringsdommarar er noko vi må satse meir på i 2024, klarer ein å hjelpe desse vidare kan vi ha kommande rekrutteringsdommarar og kretsdommerar.

Klubbdommarar som vi må rose i år er William Aarseth Kjellevold, Pernille Mathiesen-Yndestad, Tale Seljeseth, Mads Mikkel Due, Håkon Torsvik Myrvollen, Vetle Svarthumle Grønsberg, Magnus Endestad og William Dalberg,

Ellers ynskjer vi samtidig å takke Vegard Yndestad for jobben som dommerkoordinator, ein viktig jobb med tanke på arrangement og generell kamp avvikling. Ingen dommar, ingen kamp.

Klubbhuset

Blir brukt til samlingar med lag og møte, samt nokre bursdagar. Ynskjer å investere i eit smartboard eller liknande og få installert internett.

Økonomi

Har bra kontroll på økonomien og truffet bra i henhold til budsjett. Inntekter som tenkt, og kostnader var lavare enn budsjettet og kom då ut med eit lite positivt resultat. Inntekta på sponsorsida gjorde til at det som er opparbeidd i tidlegare år vart benytta litt av.

NFF Sogn og Fjordane kretsting

Kretstinget gjekk av stabelen 26-27 november på Scandic Sunnfjord Hotell i Førde.

Der Silje Knapstad, Odd Magne Øren, Torbjørn Knapstad og Ole Jacob Endestad deltok.

Ei kjekk fotballhelg for drøfting av innmeldte saker, engasjement, heider og ære. Kjekk samlingsplass for klubben og for å møte andre engasjerte fotballfolk.

Kommunikasjon

I 2023 tok vi i bruk spond som kommunikasjonsplattform. Ein kan oppsummere det med at det var vellykka. Vi har en plass å kommunisere ut til styret, trenrarar, dommarar, spelarar og foreldre. Vi har jobba aktiv med å bli betre på kommunisere ut via heimesider og Facebook til dei som ikkje er ein del av Spond.

Kvalitetsklubb

Sertifisert i 2015 som klubb nr. to i Sogn og fjordane av totalt 11 klubbar. Har gjennomført fleire resertifiseringa, den siste i 2023. Etter kvart blitt lagt om til nyare system og betre verktøy som er vorten meir tilpassa den daglege aktiviteten. Slik at det er lettare å etterleve uansett størrelse på klubb.

Gjennomført ein kvalitetsklubbsamling i Florø 9-10 september. Viktig verktøy for å få klubben som sjef. Ein blir målt på aktivitet og korleis den blir planlagd og gjennomført. Organiseringa , korleis den er gjennomført. Kompetanse i klubben på styre- og leiarnivå, trenarutdanning og generelt i klubben. Og sjekk av samfunns- og verdiarbeid i klubben. Dette ynskjer vi framleis å vere med på.

Årsfest senior 5 div lag

Vart arrangert i november på Allhuset. Ein kjekk kveld med pizza, underhaldning, quiz og utdeling av premiar.

Jakob Guddal Hansen: Årets spelar og toppscorar.

Lars Hermann Terøy: Trenarens spelar

Torbjørn Knapstad Endestad: Pokal for å ha passert 200 kampar for Eikefjord fotball.

Erlend Vassbotten: Fekk pokal for å ha passert 100 kampar for Eikefjord fotball.

Årsfest aldersfastlagd

Blei gjennomført 28.januar 2024. Det blei gjort stas på de som har bidratt til det beste for fotballen i bygda. Ein kjekk fotball ettermiddag med utdelingar av medaljar, fairplayprisar og oppmerksamhet til trenarar. Det vart servert pølser, brus og kaker til de frammøtte.

Framtid

For 2024 og åra framover må vi fortsette å bygge kompetanse i alle ledd. Vi må sende trenarar på nye kurs som UEFA B, rekruttere nye grasrottrenarar, nye klubbdommar og vidareutvikle klubben.

Med at idrettslaget tar seg av det økonomiske kan vi som gruppe fokusere på aktiviteten. Vi kan vidareutvikle kvalitetsklubbkonseptet og sette oss delmål for åra framover.

For fotballen vil det fortsatt være mange roller å fylle og vi trenger alle vi kan ha i styret for å nå måla våre. Det er viktig at vi fortsatt kan skape aktivitet, utfordre, vidareutvikle lag, spelarar og trenarar. Vi må ha fokus på enkelt personar og enkelte lag, kvart lag har sine utfordringar som vi må møte med openheit og hjelp. Skal vi som gruppe klare å halde aktiviteten oppe må vi jobbe knallhard, vi har ingen å miste.

Vi kan, vi vil og vi får det til!

Til Slutt

Eikefjord Fotball takkar styret, trenarar, dommarar og alle frivillige for eit gjevande og innhaldsrikt år.